



UNIVERSITÄTS-  
BIBLIOTHEK  
PADERBORN

## **Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

**Gonet, Jean-Baptiste**

**Coloniæ Agrippinæ, 1671**

Art. III. Quomodo visio beata penetret libera Dei Decreta?

---

[urn:nbn:de:hbz:466:1-77132](https://nbn-resolving.de/urn:nbn:de:hbz:466:1-77132)

## DISPVATATIO QVINTA

163

non aliud: sicut quamvis eadem sit entitas naturae, & persona in Verbo, illa tamen unitur, & applicatur humanitati in ratione personae ad illam terminandam, non vero in ratione naturae ad illam constituantem.

30. Ad objectum concessio Antecedente, ne-  
go Consequentiam, & paritatem. Ratio dispa-  
ritatis est triplex. Prima, quia unio, & communi-  
catio realis alterius formae fieri potest sine u-  
nione, & communicatione eorum omnium, ad  
quae dicit essentiale habitudinem, secundum est de  
cognitione quidditativa, cum relativa (ut supra  
dicebamus) sunt simili naturae, & cognitione:  
unde licet paritas non possit communicari  
Filio per generationem aeternam, & in Incarna-  
tione unio hypostatica facta fuerit ad personam  
Fili, non ad personam Patris; repugnat tamen  
unum videri sine alia.

Secunda ratio disparitatis est, quia in Patre  
essentia, & paternitas, & in Verbo subsistentia,  
& natura distinguuntur virtualiter in ratione co-  
municabilis, & unibilis, non tamen in ratione  
veri trascendentaliter, & visibilis: quia eadem  
essentia divina virtualiter in distincta habet rationem  
speciei intelligibilis respectuisti, & respe-  
ctu attributorum, & relationum. Unde quam-  
vis communica est essentia Filio paternitas non  
communicetur, & unita personalitate Verbi hu-  
manitatis sumptus, persona Patris non dicatur  
incarnata: repugnat tamen visa essentia divina  
non vide relations, & attributa.

Tertia ratio disparitatis est, quia visio beatifica  
est cognitio Dei ut est in te, & quia Deus ut  
est in se non potest manifestari quoad aliquid,  
& latere quod aliud, sed quod manifestari ali-  
quid aactus puri, & manifestari totum, idem sit,  
ut lupus dicebat inus, implicat per visionem beatifi-  
ciam videri naturam, non viis attributis, vel  
Personis. Communicatio vero realis, sive ad intra  
per processionem, sive ad extra per unionem  
hypostaticam, non est communicatio Dei quo-  
modocunque, sed juxta exigentiam, & capacita-  
tem extremitati, cui fit; & sic non sit sub omnibus modo  
& secundum omnia, quae identificantur cum  
termino talis unionis, & communicationis, sed  
secundum quod illud extrellum exigit, velest  
capax. Unde in generatione aeterna Pater aeternus  
communicat Filio essentiam, & non paternitatem; quia cum haec sit relativae opposita filiationi, Filius non est capax illius. Et in Incarnatione  
communicatur humanitati persona, & non  
natura; quia humanitas potest subsistere, & ter-  
minari per subsistentiam Verbi, non tamen in-  
trinsecè constitui per ejus naturam.

31. Ad Confirmationem, negandum est antece-  
dens: licet enim possit unita essentia divina in  
ratione speciei, & non in ratione naturae, vel subsi-  
stentiae: tamen semel unita in ratione speciei  
(cum sit unus intelligibilis, & manifestativa Dei  
ut est in te) implicat uniti ad manifestandum ali-  
quid, & non totum quod est in Deo: quia cum  
sit aactus purus, in illo aliquo, quantumcumque  
minimo, omnis alia perfectio includitur; ac pro-  
inde repugnat Deum videri ut actum purum,  
& aliquam ejus perfectionem non manifestari,  
ut antea ponderatum est.

32. Objecies ultimo: Objectum primarium po-  
test videri sine secundario: Sed essentia divina  
est objectum primarium visionis beatificae, attri-  
buta vero, & relations pertinent tantum ad ob-  
jectum secundarium: Ergo potest videri divina

A essentia non viles relationibus, & attributis. Ma-  
jor videtur manifesta, Minor vero constat ex di-  
ctis tractatu precedentibus, ubi ostendimus solam  
essentiam esse objectum primarium, tam moti-  
vum, quam terminativum divinae intellectus;  
attributa vero, & relations pertinentes solam ad  
objectum secundarium, unde cum visio beatifica  
sit participatio divinae cognitionis, idem de  
lentiendum est.

Respondeo primo, distinguendo Majorem:  
Objectum primarium potest videri sine secun-  
dario, quando non habet necessariam connexio-  
nem cum illo, concedo. Sunt interconnexa,  
B & unum trascendentaliter includatur in alio,  
nego. Unde cum essentia divina sit necessaria  
connexa cum relationibus, & attributis, & in il-  
lis trascendentaliter includatur; quamvis rela-  
tions, & attributa pertineant ad objectum secun-  
darium visio beatifica, repugnat tamen divi-  
na essentia sine illis videri.

Respondeo secundum: Relationes, & attributa  
non esse propriæ objecta secundaria divinae in-  
tellectus, nec proinde visionis beatifica, que  
est ejus participatio: sed potius modos objecti  
formalis, & primarij, quise habent respectu ei-  
sentialis divinae, sicut sensibile commune respectu  
sensibilis proprij, v. g. quantitas, & figura respe-  
ctu coloris. Unde sicut (juxta probabilem  
sententiam) repugnat oculum videri colorem  
sine extensione, & figura (ex quo inferunt The-  
ologii, corpus Christi non posse videri in Eucha-  
ristia, cum in ea careat extensio locali, & figura)  
ita implicat intellectum beatum videri ei-  
sentialis divinam sine personalitatibus, & attributis.

### ARTICULUS III.

*Quomodo visio beatifica penetret libera  
Dei decreta?*

§. I.

*Premittitur quod apud omnes est certum, & diffi-  
cile resolutum.*

**S**uppono tanquam certum, Beatos videntur in  
Verbo aliquilibet Dei decreta, licet non omnia.  
Ut enim infra dicimus, Besti videntur in  
Verbo quæ pertinent ad statum proprium ipsorum:  
Atque multa decreta Dei libera pertinent  
ad ipsum statum, ut ea, quæ versantur circa  
illorum salutem, vel eorum, qui ad illos perni-  
tent: Ergo beati cognoscunt aliqua libera Dei  
decreta. Unde D. Bernardus loquens de be-  
atitudine: *Quidni (inquit) videatur ibi cor Dei?*  
*Quidni proberetur, qua sit voluntas Dei bona, & be-  
neplacans, & perfecta? Patent visceris mysteria gratiae, pa-  
tent cogitationes pacis, divitiae salutis, mysteria bona vo-  
luntatis &c.*

Quod vero omnia libera Dei decreta non  
videantur a Beatis, colligitur ex D. Thoma infra  
quaestione 57. articulo 5. ubi ait: *In visione be-  
atis angelus cognoscunt mysteria gratiae, non quidem omnia,  
neque equaliter omnes, sed secundum quod Dei  
voluerunt eis revelare. Ratio etiam id suadet: nam  
libera Dei decreta videri non possunt nisi attin-  
gantur objecta liberæ voluntatis, ad quæ remi-  
natur, cum aactus liberæ Dei constitutus per conno-  
tionem, vel terminationem activam ad crea-  
ras, defensibilem sub ratione puræ termini, actio-  
nis,*

nis, & indefessibilem sub ratione entitatis & perfectioris, ut dicimus in Tractatu de voluntate Dei : Sed omnia objecta libere à Deo volunt cognoscuntur à quolibet beato, ut constat de ultimo die iudicij, dē quo dicitur Matth. 24. & Marci 3. Deutero die iudicij nemo se sit, neque Angeli in celo : Ergo omnia decreta Dei libera non videntur à beatis.

Hoc presupposito, inquirimus modum quo beatificiā subiecta, Pro resolutione,

Dico, decretū Dei libera cognosci à beatis ex

37 vi visionis beatæ, & lumine gloriae, quo vident divinam essentiam, quatenus ale lumen habet vim revelationis, & manifestationis eorum quae sunt in voluntate Dei. Est contra aliquos Recentiores, qui volunt illa non cognosci à beatis in verbo, & per lumen gloriae, sed extra verbum per revelationem divinam. Estamen. Thomæ infra quæst. 57. art. 5. ubi sic ait : *Est autem alia cognitio que Angelos beatos facit, quā vident verbum, & res in verbis; & hac quidem visione cognoscunt mysteria gratiae, &c.*

Eadem veritas ratione suadetur. Lumen gloriae ob suam eminentiam utrumque munus habet, & quidditatē cognoscendi essentiam divinam, & manifestandi per modum revelationis ea quæ Deus liberè vult, & quantum, & quomodo vult, beatis manifestare : Ergo ex vi talis lumen beatī cognoscunt in essentia divina libera Dei decretū. Consequētia patet. Antecedens probatur. Lumen gloriae eminentius est lumine propheticō, & comparatur ad ipsum sicut lumen principiorum ad ea quæ ex principiis descendunt, ut colligitur ex D. Thomā 2. quæst. 171. art. 2. ubi inquit : *Principium eorum quæ per prophetiam manifestantur, est ipse Deus, qui per essentiam non videtur à Prophetis, videatur autem à Beatis, in quibus huiusmodi lumen inest per modum forme permanenter & perfecte, secundum illud Ps. 3. 5. in lumine invidēbimus lumen. Sentit ergo quod lumen beatificum sic attingit divinam essentiam, quod attingit principium earū veritatum quæ videntur lumine propheticō per modum transversum : constat autem per prophetiam manifestari actus, liberos Dei, & ea quæ per decretū libera Deus vult : Ergo etiam lumen gloriae, quatenus eminenter continet lumen propheticum, & habet vim revelationis, & manifestationis eorum quae sunt in voluntate Dei, penetrat libera Dei decreta.*

39 Probatur secundo conclusio, ex doctrina quam communiter tradunt Thomistæ in materia de locutione Angelorum : docent enim cum S. Doctore quæst. 9. de veritate art. 4. ad. i. r. quod per eandem speciem, & per idem lumen, quo cognoscitur ipsa substantia, & voluntas Angeli loquentis, etiam cognoscitur ejus actus liber; per hoc solum quod ipse cogitans velit ordinare cogitationem suam ad alterum, & hac ratione tollere occultationem motalem, quam habet cogitatio cordis, ex eo quod libera est. Sic ergo in præsenti dicimus, quod per ipsum lumen quo beati cognoscunt naturam divinam, & quidquid ad quidditatem Dei pertinet, quod est lumen gloriae ; & per eandem speciem impressam, quæ quidditatē representat Deum, ejusque attributa (quæ est ipsam Dei essentia,

A gerens vices speciei intelligibilis) supposita direktione, & ordinatione Dei, quā velit diriger, & ordinare actum suum ad intellectum beatitudini, cognoscet ejus decreta libera, sine distinctione lumenis infusione. Ex quo habes, essentiam divinam, uno modo esse speculum necessarium, alio liberum. Est enim speculum necessarium, quatenus seipsum manifestans, non potest occultare attributa & relationes, liberum vero, quatenus ex suis decretis, & ex creaturis existentibus, aut ex futuris contingentibus, potest hoc vel illa, ut libuerit, beatis manifestare.

## S. II.

## Solvuntur objectiones,

B Objicītis primò : Actus liber Dei, ut talis, non est minus occultus de se, quam actus liber creatus. Sed iste non potest cognosci ex sola penetratione, & cognitione quidditativa voluntatis creatae, ut confitat in Anglo superiori, qui licet comprehendat intellectum, & voluntarem inferioris, ex vi tamen hujus comprehensionis non cognoscit ejus cogitationes & actus liberos, sed indiget novā revelatione, seu manifestatione, quā à Theologis locutio, aut illuminatio appellatur. Ergo similiter beatū ex vi lumenis gloriae penetrantis divinam naturam & voluntatem, non posunt cognoscere ejus decretū, sine nova revelatione, seu novi lumenis infusione.

C R spōndeo quod licet actus liber Dei non sit 41 minus occultus, quam actus liber Angelī, & ideo non possit cognosci à beatis ex vi visionis divinae essentiae absolute, sicut nec potest cognosci actus liber Angelī ex sola penetratione, & comprehensione voluntaris angelicæ, sicut tam, supposita direktione, & ordinatione, quā unus Angelus vult ordinare suum conceptum, & actum liberum alteri quem vult alloqui, statim ipsum lumen naturale intellectus angelici potest cogitationes cordis alterius Angelī penetrare, ut docetur in materia de locutione Angelorum. Ita etiam supposita divina ordinatio, quā actus liber Dei dirigitur ad aliquem beatum cui vult illum manifestare, lumen gloriae quo voluntas & substantia Dei quidditativē cognoscitur, attingit, & penetrat libera ejus de cēta, sine novā revelatione, & absque novi lumenis infusione. Unde hoc argumentum solūm probat, libera Dei de cēta non videri absolute, ex vi visionis divinae essentiae, sed supposita rege, & voluntate Dei, quā vult ea beato manifestare : quæ manifestatio revelatio quādam est, non quidem extra verbum, sed in ipsomet verbo fācta.

E Objicītis secundò : Si beati viderēt de cēta Dei 42 ex vi visionis beatificæ, & lumenis gloriae penetrantis divinam naturam & voluntatem, sequeretur quod quilibet beatus viderēt omnes actus liberos Dei, vel quod nullum omnino videret : Neutrum potest dici, ut confitat ex supra dicitur : Ergo beati libera Dei de cēta non vident ex vi visionis beatificæ &c. Sequela Majoris probatur : Vel enim actus liberi Dei necessariam habent connexionem cum divina essentia, quæ est objectum primariorum visionis beatificæ, vel non ; Si primum dicatur, sequitur omnes actus liberos videri à quolibet beato, cum quilibet beatus videat omnia quæ habent necessariam connexionem cum natura & quidditate Dei. Si vero secundum affirmetur, sequitur nullum actu liberum videri à beatis, ex vi visionis beatificæ, cum ex vi illius, ea tantum videantur, quæ ha bent

## DISPUTATIO QUINTA

170

bent necessariam connexionem cum essentia A  
divina:

**43** Confirmitur: Si actus liberi Dei videantur in  
essentia divina clare visa, & ex vi luminis glo-  
riæ eam manifestans, sequitur quod ille qui  
perfectius videret essentiam divinam, & habe-  
ret intensius lumen gloriarum, plura etiam videret  
decreta libera voluntatis divinae: Sed hoc est fal-  
sum, cum enim, ut infra dicemus, quilibet beatu-  
tus videat in essentia divina omnia quæ pertinet  
ad ejus statum, ille qui habuit maiorem curam  
in Ecclesia, & qui fuit v.g. Summus Pontifex, vel  
Patriarcha alicujus Religionis, plura videbit  
decreta Dei, quam alteri qui non habuit talē  
curam in Ecclesia, quamvis sit magis beatus, &  
habeat intensius lumen gloriarum: Ergo &c.

Ad objectionem respondeo negando seque-  
**44** Jam Majoris. Ad probationem dicendum quod  
licet actus liberi Dei secundum entitatem, &  
realitatem incretam quam important, habeant  
necessariam connexionem cum divina essentia,  
ac proinde secundum hanc rationem videantur  
a quolibet beato, tamen secundum terminatio-  
nem quam dicunt ad creaturas, non habent ne-  
cessariam, sed liberam cum illa connexionem:  
unde sub hac ratione non videntur a beatis,  
propter necessariam connexionem cum divina  
essentia, sed quia sunt aliquid ad Deum perte-  
nens, & manifestatum ex ordinatione divina  
voluntatis, sicut vel illi intellectui beato.

Ex hoc patet responsio ad confirmationem:  
**45** cum enim actus liberi Dei non videantur pro-  
pter necessariam connexionem, nam habeant  
cum essentia divina, sed ex se, etiæ in manifes-  
tatione Dei dirigentis & ordinantis suum actum  
liberum ad intellectum uniuscuiusque beati, il-  
lorum cognitione non debet proportionari, vel  
commensurari visioni essentia divina, & inten-  
sione luminis gloriarum, sed praedicta ordinatione,  
& manifestatione divina, quæ major, vel minor  
est, secundum diversitatem statū, quem quilibet  
beatus habuit in Ecclesia militante: unde fieri  
potest quod minus beatus interdum plura de-  
creta Dei libera videat in essentia divina, quam  
magis beatus.

### ARTICULUS IV.

*Verum beati videant creaturas possibiles in  
essentia divina tanquam in causa,  
& medioprius cognito?*

**S. I.**  
Premittuntur que apud omnes sunt certa, &  
referuntur sententia.

**46** Suppono primò: Beatos ex vi statū beatitudi-  
nis aliquas creaturas de facto cognoscere.

Probatur hæc suppositio. Quia Joan. 17. dici-  
tur: *Hec est vita eterna, ut cognoscant te Deum ve-  
rum, & quem misericordem Christum;* Constat autem,  
quod in Jesu Christo misericordia includitur non sola  
divinitas, sed etiam humanitas, quæ aliquid  
creatū est: Pertinet ergo ad vitam eternam,  
aliquid creatū cognoscere. Item Concilium  
Senonense in decretis fidei, damnando illum er-  
torem, quod Sancti non orant pro nobis, & de-  
clarando quomodo Sancti cognoscant oratio-  
nes nostras, ait: *Hac facile intelligetur, qui beatus per-  
rium esse non ignorat, unde illud divinitatis spe-  
culum, in quo quidquid eorum interst̄ elucescit.* Unde  
communiter Theologi docent, pertinere ad  
unumquemque beatum, quod cognoscat ea quæ

spectant ad suum statum, ut colligitur ex D. Thomae 3. parte quæst. 10. art. 2. Inquirimus ergo mo-  
dum quo beati creaturas in Deo cognoscunt: an  
videant eas in verbo, & in essentia divina tan-  
quam in causa, & medio prius cognito, vel extra  
verbum, per species à Deo infusas, & ipsas crea-  
turas immediate repræsentantes; Quod ut magis  
declaretur,

Suppono secundò: Dupliciter aliquid posse  
cognosci ex vi visionis beatificæ: primum forma-  
liter, secundò causaliter: formaliter in verbo  
videri dicitur, quod cognoscitur eadem visione  
& eodem lumine ac specie, quæ Deus ipse vide-  
tur, ratione alicujus connexionis quam habet  
cum illo. Causaliter vero, quando non cognos-  
citur formaliter per ipsam visionem beatam, nec  
per speciem incrementam, sed alia diversa cogni-  
tione, per revelationem habitâ extra verbum, &  
per species infusas, quæ dantur à Deo intuitu  
ipsius visionis beatæ, & ab ea derivantur, aut regu-  
lantur. Et hoc modo Theologi distinguunt in  
Christo & in beatis duplicem scientiam: unam  
beatam, per quam cognoscunt res in verbo, & in  
essentia divina clare cognita; & aliam infusam,  
per quam vident res extra verbum, per species à  
Deo inditas.

Suppono tertio: Tribus modis posse contingere,  
quod plura objecta simul & eodem actu co-  
gnoscantur. Primum quia per eandem speciem re-  
præsentantur, quamvis unum non sit ratio co-  
gnoscendi aliud. Sic Angelus potest simul, & uni-  
co actu cognoscere hominem, equum, & leonem:  
quia tres illæ nature, quamvis inter se di-  
versæ, per eandem speciem illi repræsentantur,  
ut docetur in Tractatu de Angelis. Secundò plu-  
ra objecta simul cognosci possunt, propter habi-  
tudinem quam unum dicit ad aliud, licet unum  
in alio non contineatur tanquam in causa. Sic re-  
latio simul cognoscitur cum termino, eo quod  
relativa sint simul naturæ & cognitione. Ter-  
tio unum potest cognoscere in alio, ratione con-  
nectionis, & dependentie, quam habet ad illo:  
quo pacto quilibet effectus cognosci potest in  
sua causa. Et de hoc tertio modo cognoscendi  
creaturas in verbo, agimus in præsenti, & inqui-  
rimus, an beati cognoscant creaturas possibiles in  
essentia divina tanquam in causa, & medio  
prius cognito, ratione dependentie, & connexio-  
nis quam habent cum illa; Quæ difficultas appli-  
cari potest etiam creaturis existentibus, vel fu-  
turi: eadē enim est ratio de illis, ac de possibili-  
bus. In cuius resolutione, partem negativam te-  
net Vazquez hic disp. 5. cap. 6. quem plures ex  
Recentioribus sequuntur: affirmativam vero  
amplectuntur Thomistæ, & plures alii.

**S. II.**

*Conclusio affirmativa statuitur.*

**D**ico igitur: Beati vident creaturas possibi-  
les, in Deo tanquam in causa, & medio  
prius cognito. Ita D. Thomas hic art. 8. ubi sic  
ait: *Manifestum est, quod si aliquid videntur in Deo se-  
cundum quod fuit in ipso: omnia autem alia sunt in  
Deo, scilicet effectus sunt virtute in sua causa: si igitur  
videntur omnia in Deo, sicut effectus in sua causa. Quó  
nihil clarissimum, & expressius in favorem nostræ  
conclusio nisi dici potest.*

Idem paucum docent SS. Patres: Augustinus  
enim 11. de civit. cap. 7. hæc scribit: *Cognitio crea-  
turæ*